

恩施縣志卷之七

風俗志

地情

習尚

謹按古者太史採十五國風以陳天子達下情將以宣上德也恩施雖一邑土地之所宜習尚之所趨有可以於此商治術者詳錄之俾觀風問俗者識所沿流焉志風俗

地情

恩施在萬山之中舟車之所不至人多質樸俗頗敦龐士習猶端其趨嚮民力不憚其艱辛縉紳之輩

恩施縣志

卷七

風俗

名義相高盜賊罕生愚賤畏法物產較多市價亦平深山天氣多寒蝗蝻不作種植雖艱尚喜人少呼庚之歲

山深林茂入夏蒸溼頗甚每遇炎暑旦夕亦覺清涼蓋四圍皆層巒疊嶂惟山高處恒多大風城內及平坦之地罕有烈風但潮氣凝而難散隆冬積雪至春夏之交始盡

文治日新人知向學微獨世家巨室禮士賓賢各有家塾寒儉之家亦以子弟之誦讀爲重



高低田地皆用牛犁間有絕壑危坳牛犁所不至者則以人力爲刀耕農器諸類悉具而筒車轉水溉田尤爲事半功倍其制於溪流近岸處豎木爲架縛竹爲大輪以竹筒周縛輪外口皆向上置流水中水激輪行筒載其水轉旋而上注於木規由此遞引入田大約一具可灌田數十畝較桔槔之制尤爲不勞人力

環邑皆山高山以包穀爲正糧間有稻田種植收穫恒遲貧民則以種薯爲正務最高之山惟種藥材

## 恩施縣志

### 卷七

風俗

二

近則遍植洋芋窮民賴以爲生

恩邑年歲惟視高山之收成以定豐歉里人呼包穀各種爲雜糧而呼稻穀爲大糧邑民食稻者十之三食雜糧者十之七收成忌七八月之風謂之秋風此風一起寒厲過甚穀難成熟矣

水旱田業不分頃畝從前以穀種計多寡近則皆以田所歲入者數計之家產以此分厚薄契券以此定價值府志所謂俗沿已久莫之能易也

戶口較前奚啻十倍地日加闢民日加聚從前所棄



爲區脫者今皆盡地墾種之幽巖邃谷亦築茅其  
下絕壑窮巔亦播種其上可謂地無遺利人無遺  
力矣

低山田地收穫之後旋種菜麥麻則三季收之

邑民有本戶客戶之分本戶皆前代土著客戶則乾隆設府後貿遷而來者大抵本戶之民多質直客  
戶之民尚圓通

恩邑從前亦種棉花今則久無其種裳衣之需市之  
外地近惟廣植苧麻尚可以此易彼遠商每歲購

恩施縣志

卷七

風俗

三

載出山而以棉花各轉相販易

山路崎嶇販運惟馱載負爲便田功告竣時爭先恐  
後

邑之穀米外販不至一邑之糧尚濟一邑之食惟近  
來積穀之家每於荒歉輒增其值貧民持錢不能  
糴升合去歲夏間邑民乏食郡伯夏公所以立發  
賑倉減價平糶也

邑之西南北皆與四川接境徑僻山深咽喉匪不時竊  
入賺結本地游民號曰皮家常以賭博窩藏醜類



或於僻地奪取人物或於村集攫取人財互相瓜分邑侯多公所以行團練保甲之法

### 習尚

冠婚之事士大夫家皆循古禮閭里亦多效之冠禮三加婚期前行之筭禮亦然

喪葬備物尤謹附身附棺卜地亦不爲風水所惑歲時令節元旦具香燭祀祖先依方位出行舉爆竹以開門謂之開財門詣廟拈香親族交相拜賀鮮衣綺服雜遯街市三日閉門不啓禁掃除不汲水

## 恩施縣志

### 卷七

風俗

四

作炊兒童擊鉦鼓以爲樂初九日龍燈獅燈競出驅疫至十五日乃止元夕以湯圓爲節食燈火花爆達旦不休

二月驚蟄前一夕畫灰於地像弓矢之形謂之射蟲社日採蒿作炊雜以肉糜親鄰轉相饋贈謂之社飯新葬之冢則於社前祭之本家男婦及內戚偕往祭畢卽於墻間飲食

三月清明掃墓以竹懸紙錢插之墓上謂之標墓本家男婦及戚族偕往其修理墳塋者皆於是日併



工成之相傳寒食前後不忌方位吉凶也

四月八日鄉城皆以徑寸朱紙書數語粘之壁間謂之嫁毛蟲

五月五日懸艾葉菖蒲於門食角黍飲雄黃酒親友交相饋節童子以雄黃點額清江龍舟競渡至十五日乃止十五日俗名大端陽懸門蒲艾始去之飲食如前二十七日相傳爲城隍神生日邑人仗衛迎神於市是月鄉農縛草爲龍鉦鼓繞田謂之趨蟲

恩施縣志

卷七

風俗

五

六月六日鄉農以雞酒祀田祖謂之團苗伏日曬衣裘書帙貯蓄醬水

七月以紙錢封包書祖先之諱於其上祭於中庭三日焚之於外新喪之家則以初一爲始餘則初八至十三日本戶有於年終封包者十五夜焚紙錢於門僧舍作盂蘭盆會散放蓮燈於清江以香蘸油遍燕山徑謂之路燭

八月中秋親鄰交相饋節以月餅爲節食夜間童子送瓜於戚友無子家取瓜硃宜男之兆也



九月九日載酒登高遨遊寺閣邑人士以詩文相倡  
酌

十月一日迎城隍於厲壇以神生日少殺收穫已畢  
鄉人有以羊豕祀其先者延巫於家謂之酌神

十一月冬至官紳相賀城鄉右族皆屠自畜之豕爲  
年時祭脯

十二月八日僧寺煮臘八粥二十三日以餽祀竈二  
十四日俗呼爲小年亦具饌祭祀除日祀先祖五  
祀合宅長幼聚食謂之團年易門神桃符貼春聯

恩施縣志

卷七

風俗

六

晚間蒸炭於庭置酒守歲鼓鉦爆竹徹宵達旦田  
間束高炬蒸草於塍以求歲本戶另造年肉年飯  
以祀其先此一歲風俗之大畧也

恩邑風俗三變說

邑之風俗諸舊志所採皆就其一時言之然盛衰之  
故未始不可考而知也畧而計之蓋三變焉漢晉  
以前無稽矣隋唐始設州縣地曠人稀民風率安  
質實故杜少陵贈鄭典設自施州歸詩有其俗則  
醅樸不知有主客乃聞風土質又重田疇闢之句



其爲實錄可知五代迄宋生聚日繁紛華亦遂日  
盛舊志載宋儒之言有施州風土大類長沙論文  
學則駸駸大國風論人情則漸多澆漓少醑厚其  
與少陵所詠已不侔矣由樸而華固亦勢所必至  
歟是爲風俗之一變元時省州入縣已啓豪姓強  
梁之漸前明設衛控制而以其地予土司子姓遞  
承儼等附庸沿襲既久遂專生殺朝廷亦以徼外  
置之名公鉅卿非譴謫不至其地而一二鄉賢如  
童客星輩未嘗不知土司之非而思所以移易之

恩施縣志

卷七

風俗

七

乃獠民雜處終莫勝其獷悍之習故所擬制夷奏  
中亦曾備言其害猶幸恩施爲控制地官師之所  
羣集環城內外仍是漢官威儀此鄒公維璉所以  
稱其士紳文學子弟彬彬又云去郭數里卽在不  
華不夷之列也是爲風俗之再變明季流賊潰入  
上司羣焉而散其地爲土匪盜據幾二十年

國朝版圖初登仍沿前明舊制迨土司革心向化舉族  
外遷改縣爲府始復漢唐郡縣之舊乃喪亂既久  
舊家故族旣爲寇賊所傷夷匪徒授首之時更復



大趨衛民出山故從前土著無多存者維時地遠  
山荒種植無人闢土燒畬惟視力所能任嗣是而  
四外流人間風漸集荆楚吳越之商相次招類偕  
來始而貿遷繼而置產迄今皆成巨室而土著之  
家亦復巍爲望族焉其視宋時文學人情殆不相  
遠是則風俗之三變矣我

朝惠澤如天無遠弗居不惜歲糜數萬金而使遠道窮  
荒頓成樂土生其間者沐浴

文明之化已二百年于茲矣宜何如正本澄源仰答

恩施縣志

卷七

風俗

八

隆施於無暨乎以散古風以正滌俗是所望於留心  
世道者